

Delegatkinja Nermina Kapetanović postavila je četiri delegatska pitanja.

Prvo pitanje upućeno Ministarstvu sigurnosti BiH glasi:

1. Sve su učestaliji napadi i na povratnike i na zvaničnike IZ-a, vjerske objekte i imovinu Islamske zajednice.

Šta će Ministarstvo sigurnosti BiH uraditi na rješavanju ovih problema?

Drugo pitanje postavljeno Centralnoj izbornoj komisiji BiH glasi:

“Da li će se u izbornom procesu na predstojećim oktobarskim izborima glasački listići ubacivati u prozirne zapečaćene kutije, na način kako se to radi u svim demokratskim zemljama svijeta?”

Treće pitanje upućeno Ministarstvu prometa i komunikacija BiH:

“U entitetskim zakonima o unutrašnjem drumskom saobraćaju predviđeno je, s ciljem stvaranja olakšica osobama s onesposobljenjem u kretanju, uvođenje kombi vozila s podiznom rampom te njihovo stavljanje u promet. Da li Ministarstvo prometa i komunikacija BiH može obavezati entitetska ministarstva da primjenjuju zakone koji su doneseni prije nekoliko godina? Time bi se ispoštovala ljudska prava osoba s invaliditetom i ukinula postojeća diskriminacija ove populacije.”

Četvrto pitanje postavljeno Ministarstvu za ljudska prava BiH glasi:

“Redovna pitanja članovima Komiteta za ljudska prava Parlamentarne skupštine Vijeća Evrope u Strazburu su pitanja vezana za obavezu Bosne i Hercegovine u smislu izjednačavanja prava osoba s invaliditetom po osnovu jednakog invaliditeta na šta se BiH obavezala poštivanjem svih međunarodnih konvencija. Šta Ministarstvo za ljudska prava i izbjeglice BiH radi na tome?”